

**INTERNACIONALNI BURČ UNIVERZITET
INTERNATIONAL BURCH UNIVERSITY**



PRAVILNIK O IZBORU U AKADEMSKA ZVANJA

Januar 2020.

Na osnovu člana 130., a u vezi sa čl. 101. stav (7) Zakona o visokom obrazovanju (Službene novine Kantona Sarajevo, broj: 33/17), Senat visokoškolske ustanove Internacionalni Burč univerzitet - International Burch University, na CLXXVI sjednici održanoj dana 29.01.2020. godine, usvojio je

**PRAVILNIK O IZBORU U AKADEMSKA ZVANJA VISOKOŠKOLSKE
USTANOVE INTERNACIONALNI BURČ UNIVERZITET – INTERNATIONAL
BURCH UNIVERSITY**

I. OPĆE ODREDBE

Član 1.

Pravilnikom o izboru u akademska zvanja visokoškolske ustanove Internacionalni Burč univerzitet – International Burch University (u daljem tekstu: Pravilnik) se uređuju sljedeća pitanja:

- a) postupak izbora u akademska zvanja;
- b) kriteriji za izbor u akademska zvanja nastavnog osoblja visokoškolske ustanove Internacionalni Burč univerzitet (u daljem tekstu: Univerzitet);
- c) prijevremeno napredovanje akademskog osoblja;
- d) pravila bodovanja naučnih radova i drugih publikacija;
- e) tabele bodovanja za izbor u akademska zvanja za svaki fakultet.

Član 2.

- (1) Kriteriji definisani ovim Pravilnikom počivaju na odredbama Zakona o visokom obrazovanju i Statuta Univerziteta.
- (2) Pored minimalnih uslova za izbor u akademska zvanja propisanih Zakonom, ovim Pravilnikom se propisuju dodatni uslovi za izbor u akademska zvanja, te uspostavlja bodovni sistem za objavljene publikacije koje se vrednuju pri izboru u zvanje nastavnog osoblja Univerziteta.

II. POSTUPAK IZBORA U AKADEMSKA ZVANJA

Član 3.

- (1) Konkurs za izbor člana akademskog osoblja, uz prethodno pribavljenu saglasnost Senata, raspisuje dekan fakulteta posredstvom stručnih službi Univerziteta najkasnije šest mjeseci prije isteka izbornog perioda postojećeg člana akademskog osoblja, odnosno najkasnije šest mjeseci prije početka nove studijske godine.
- (2) U slučaju izmjena planiranih akademskih timova i dinamičkog plana potreba za novu akademsku godinu, Univerzitet može raspisati dodatni konkurs za izbor u akademska zvanja.

Član 4.

- (1) Proceduru za izbor člana akademskog osoblja, odnosno reizbor ili napredovanje u više zvanje postojećeg člana akademskog osoblja pokreće vijeće fakulteta na osnovu akademskih potreba utvrđenih u okviru odgovarajućeg odsjeka/studijskog programa.

- (2) Vijeće fakulteta razmatra akademske potrebe i utvrđuje prijedlog za raspisivanje konkursa za izbor člana akademskog osoblja, te odluku o tome dostavlja Senatu Univerziteta.
- (3) Senat razmatra prijedlog vijeća i donosi odluku kojom se daje saglasnost za raspisivanje konkursa koji se objavljuje u najmanje jednom dnevnom listu i na internet stranici Univerziteta.

Član 5.

- (1) U roku od 30 dana od isteka roka za podnošenje prijave na konkurs dekan fakulteta je obavezan sazvati vijeće koje će imenovati komisiju za pripremanje prijedloga za izbor.
- (2) Za pripremanje prijedloga za izbor u zvanje docenta, vanrednog ili redovnog profesora vijeće imenuje komisiju od tri ili pet članova u istom ili višem zvanju od zvanja u koje se kandidat bira uz obavezu dekana da prethodno pribavi pisanu saglasnost za sudjelovanje u radu komisije svakog od članova komisije.
- (3) Za pripremanje prijedloga za izbor u zvanja asistenta, višeg asistenta i lektora, vijeće imenuje komisiju od tri člana koji mogu biti u akademskom zvanju docent, vanredni ili redovni profesor uz obavezu dekana da prethodno pribavi pisanu saglasnost za sudjelovanje u radu komisije svakog od članova komisije.
- (4) Većina članova komisije mora biti iz iste, a ostali članovi mogu biti iz srodne naučne oblasti za koju se kandidat bira.
- (5) Kandidat koji nije ranije sudjelovao u realizaciji nastavnog procesa na visokoškolskoj ustanovi obavezan je da pred studentima i komisijom održi pristupno predavanje iz nastavnog predmeta, odnosno naučne oblasti za koju je konkurisao.
- (6) Komisija u postupku izbora kandidata ocjenjuje uspješnost pristupnog predavanja uzimajući u obzir rezultate evaluacije predavanja od strane studenata iz stava (5) ovog člana.
- (7) Temu pristupnog predavanja određuje Komisija u dogovoru sa kandidatom.
- (8) Univerzitet je dužan da na javan i transparentan način oglasi vrijeme održavanja predavanja iz stava (5) ovog člana.
- (9) Kandidat koji na pristupnom predavanju dobije negativnu ocjenu komisije ne učestvuje u daljnjem postupku izbora.

Član 6.

- (1) Sekretar organizacione jedinice obavezan je, prije dostavljanja pristiglih prijava na konkurs komisiji za izbor u zvanja, potvrditi, u pisanoj formi, blagovremenost i urednost pristiglih prijava sa uslovima utvrđenim konkursom te naznačiti broj prijavljenih kandidata.
- (2) Pisana potvrda iz stava (1) ovog člana se dostavlja dekanu fakulteta prije donošenja odluke o imenovanju komisije i predstavlja sastavni dio izvještaja komisije za izbor u zvanja.
- (3) Komisija je obavezna izvještaj sa prijedlogom za izbor u zvanje dostaviti vijeću i to u roku od 45 dana od isteka roka za podnošenje prijave na konkurs.
- (4) Komisija utvrđuje prijedlog većinom glasova, s tim da svaki član komisije ima pravo da izdvoji i obrazloži svoje mišljenje.

Član 7.

- (1) Dekan je obavezan izvještaj sa prijedlogom komisije za izbor u zvanja uvrstiti u dnevni red sjednice vijeća najkasnije u roku od 30 dana od dana dostavljanja izvještaja sa prijedlogom komisije.
- (2) Izvještaj komisije za izbor u zvanje sa prijedlogom komisije se objavljuje na internet stranici organizacione jedinice najkasnije sedam dana prije održavanja sjednice vijeća na kojoj se glasa o prijedlogu komisije i to u dijelu koji se odnosi na ispunjavanje propisanih uslova za izbor u akademsko zvanje od strane prijavljenih kandidata.

Član 8.

- (1) Odluku o usvajanju izvještaja i utvrđivanju prijedloga odluke o izboru u zvanje vijeće donosi većinom glasova od ukupnog broja članova s tim da članovi vijeća prilikom glasanja ne mogu biti suzdržani.
- (2) Vijeće može, ukoliko to ocijeni potrebnim, zatražiti od komisije za izbor dopunu izvještaja ili dodatna pojašnjenja u vezi sa izvještajem.
- (3) Vijeće utvrđuje prijedlog odluke o izboru koju dekan dostavlja Senatu na odlučivanje.
- (4) U slučaju kada vijeće ne utvrdi pozitivan prijedlog odluke iz stava (3) ovog člana, odluka vijeća se također dostavlja Senatu na odlučivanje.
- (5) Odluka Senata je konačna, a protiv iste se može pokrenuti upravni spor pred nadležnim sudom u Sarajevu u roku od 30 dana od dana prijema odluke.

Član 9.

Dekan je obavezan u roku od pet dana od dana održavanja sjednice vijeća na kojoj je utvrđen prijedlog odluke o izboru u zvanje istu dostaviti Senatu na dalje postupanje.

Član 10.

- (1) Senat je obavezan donijeti odluku o izboru u zvanje u roku od 30 dana od dana prijema prijedloga odluke vijeća.
- (2) Odluka iz stava (1) ovog člana donosi se većinom glasova od ukupnog broja članova Senata sa pravom glasa, a članovi Senata prilikom glasanja ne mogu biti suzdržani.
- (3) Rektor je obavezan u roku od pet dana od dana donošenja odluke o izboru u zvanje istu dostaviti vijeću.
- (4) Odluka Senata o izboru iz stava (3) ovog člana je konačna i prosljeđuje se fakultetu radi dostavljanja kandidatima i upoznavanja o izvršenom izboru.

III. KRITERIJI ZA IZBOR U AKADEMSKA ZVANJA NASTAVNOG OSOBLJA

Član 11.

- (1) Kriteriji za izbor u naučnonastavna zvanja na visokoškolskoj ustanovi definišu se na način kako slijedi:

A. Asistent

- završen ciklus studija koji se vrednuje sa najmanje 300 ECTS bodova;
- minimalna prosječna ocjena 8 ili 3,5 (od 4,0).

B. Viši asistent

- završen magistarski ili integrisani studij sa najmanje 300 ECTS bodova;
- minimalna prosječna ocjena 8 ili 3,5 (od 4,0) na prvom i drugom ciklusu studija,
- proveden izborni period u zvanju asistenta;
- objavljen najmanje jedan naučni rad iz prve ili druge kategorije u okviru tabela bodovanja iz ovog Pravilnika.

C. Lektor

- završen magistarski ili integrisani studij sa najmanje 300 ECTS bodova;
- minimalna prosječna ocjena 8 ili 3,5 (od 4,0).

D. Docent

- naučni stepen doktora o odgovarajućoj oblasti;
- najmanje tri objavljena naučna rada koja se vrednuju sa minimalno 60 bodova u skladu sa bodovnim sistemom iz ovog Pravilnika;
- pokazane nastavničke sposobnosti.

E. Vanredni profesor

- proveden najmanje jedan izborni period u zvanju docenta;
- najmanje pet objavljenih naučnih radova koji se vrednuju sa minimalno 90 bodova u skladu sa bodovnim sistemom iz ovog Pravilnika;
- najmanje jedna objavljena knjiga (nezavisno autorstvo ili ko-autorstvo);¹
- originalni stručni uspjeh kao što je projekt, patent ili originalni metod;
- uspješno mentorstvo najmanje jednog kandidata za stepen drugog ciklusa studija.²

Svi navedeni uslovi moraju biti ispunjeni nakon imenovanja u akademsko zvanjedocenta.

F. Redovni profesor

- proveden najmanje jedan izborni period u zvanju vanrednog profesora;
- najmanje osam objavljenih naučnih radova koji se vrednuju sa minimalno 120 bodova u skladu sa bodovnim sistemom iz ovog Pravilnika;
- najmanje dvije objavljene knjige (nezavisno autorstvo ili ko-autorstvo);³
- originalni stručni uspjeh kao što je projekt, patent ili originalni metod;
- uspješno mentorstvo najmanje po jednog kandidata za stepen drugog i trećeg ciklusa studija.⁴

¹Dodatni naučni radovi ne mogu zamijeniti uslov objavljivanja knjige u postupku izbora u zvanje vanrednog profesora.

²Nedostatak mentorstva može se zamijeniti sa tri dodatna naučna rada koji se vrednuju sa minimalno 30 bodova u skladu sa bodovnim sistemom iz ovog Pravilnika.

³Dodatni naučni radovi ne mogu zamijeniti uslov objavljivanja knjige u postupku izbora u zvanje redovnog profesora.

⁴Nedostatak mentorstva može se zamijeniti sa tri dodatna naučna rada koji se vrednuju sa minimalno 30 bodova u skladu sa bodovnim sistemom iz ovog Pravilnika.

Svi navedeni uslovi moraju biti ispunjeni nakon imenovanja u akademsko zvanje vanrednog profesora.

(2) Kriteriji za izbor u umjetničkoonastavna zvanja na visokoškolskoj ustanovi definišu se na način kako slijedi:

A. Asistent

- završen prvi ciklus studija koji se vrednuje sa najmanje 240 ECTS bodova;
- minimalna prosječna ocjena 8 ili 3,5 (od 4,0).

B. Viši asistent

- završen stepen drugog ciklusa studija (magistarski studij);
- minimalna prosječna ocjena 8 ili 3,5(od 4,0) na prvom i drugom ciklusu studija;
- proveden izborni period u zvanju asistenta;
- najmanje jedan javno predstavljen oblik umjetničkog stvaralaštva.

C. Docent

- završen stepen drugog ciklusa studija (magistarski studij);
- minimalna prosječna ocjena 8 ili 3,5(od 4,0) na prvom i drugom ciklusu studija;
- najmanje tri uspješna javno predstavljena oblika umjetničkog stvaralaštva;
- pokazani rezultati u nastavnom radu.

D. Vanredni profesor

- završen stepen drugog ciklusa studija (magistarski studij);
- minimalna prosječna ocjena 8 ili 3,5(od 4,0) na prvom i drugom ciklusu studija;
- najmanje četiri uspješna javno predstavljena oblika umjetničkog stvaralaštva;
- veći broj priznanja za uspješno djelovanje u odgovarajućoj oblasti umjetnosti;
- pokazani rezultati u nastavnom radu.

Navedeni uslovi moraju biti ispunjeni nakon imenovanja u umjetničkoonastavno zvanje docenta.

E. Redovni profesor

- završen stepen drugog ciklusa studija (magistarski studij);
- minimalna prosječna ocjena 8 ili 3,5(od 4,0) na prvom i drugom ciklusu studija;
- najmanje pet uspješnih javno predstavljenih oblika umjetničkog stvaralaštva koji su značajno doprinijeli razvoju kulture i umjetnosti;
- doprinos podizanju nastavnog i umjetničkog kadra.

Navedeni uslovi moraju biti ispunjeni nakon imenovanja u umjetničkoonastavno zvanje vanrednog profesora.

IV. PRIJEVREMENO NAPREDOVANJE AKADEMSKOG OSOBLJA

Član 12.

Docent može biti promovisan u akademsko zvanje vanrednog profesora i prije isteka perioda na koji je izabran pod sljedećim uslovima:

- a) ako ispunjava kriterije propisane za izbor u zvanje vanrednog profesora iz člana 11. stav (1), tačka E ovog Pravilnika,
- b) ako je proveo u zvanju docenta najmanje tri godine i
- c) ako je, pored propisanih uslova za vanrednog profesora, objavio najmanje tri dodatna naučna rada od kojih su najmanje dva objavljena u citatnim bazama prve kategorije u okviru bodovnog sistema iz ovog Pravilnika, odnosno najmanje jedan naučni radu citatnim bazama druge kategorije bodovnog sistema ovog Pravilnika.

Član 13.

Vanredni profesor može biti promovisan u akademsko zvanje redovnog profesora i prije isteka perioda na koji je izabran pod sljedećim uslovima:

- a) ako ispunjava kriterije propisane za izbor u zvanje redovnog profesora iz člana 11. stav (1), tačka F ovog Pravilnika,
- b) ako je proveo u zvanju vanrednog profesora najmanje tri godine i
- c) ako je, pored propisanih uslova za redovnog profesora, objavio najmanje pet dodatnih naučnih radova od kojih su najmanje tri objavljena u citatnim bazama prve kategorije u okviru bodovnog sistema iz ovog Pravilnika, odnosno najmanje dva naučna rada u citatnim bazama druge kategorije bodovnog sistema ovog Pravilnika.

Član 14.

Asistent može biti promovisan u zvanje višeg asistenta i prije isteka perioda na koji je biran pod sljedećim uslovima:

- a) ako ispunjava kriterije propisane za izbor u zvanje višeg asistenta iz člana 11. stav (1), tačka B ovog Pravilnika,
- b) ako je proveo u zvanju asistenta najmanje dvije godine i
- c) ako je, pored propisanih uslova za višeg asistenta, objavio najmanje jedan dodatni naučni rad u citatnim bazama prve kategorije u okviru bodovnog sistema iz ovog Pravilnika, te najmanje jedan naučni rad u citatnim bazama druge kategorije bodovnog sistema ovog Pravilnika.

V. PRAVILA BODOVANJA NAUČNIH RADOVA I DRUGIH PUBLIKACIJA

Član 15.

(1) Udio doprinosa pojedinih autora u objavljenim naučnim radovima i drugim publikacijama iz poglavlja VI ovog Pravilnika, računa se na način kako slijedi:

- a) objavljeni naučni rad/publikacija do četiri autora – svaki od autora zadržava udio od 100% u odnosu na predviđene bodove iz tabela bodovanja u poglavlju VI ovog Pravilnika
- b) Objavljeni naučni rad/publikacija od strane pet autora – svaki od autora zadržava udio od 75% u odnosu na predviđene bodove iz tabela bodovanja u poglavlju VI ovog Pravilnika

- c) Objavljeni naučni rad/publikacija od strane šest autora – svaki od autora zadržava udio od 50% u odnosu na predviđene bodove iz tabela bodovanja u poglavlju VI ovog Pravilnika
- d) Objavljeni naučni rad/publikacija od strane sedam ili više autora – svaki od autora zadržava udio od 30% u odnosu na predviđene bodove iz tabela bodovanja u poglavlju VI ovog Pravilnika.
- (2) Izuzetak od pravila iz prethodnog stava primjenjuje se u okviru Odsjeka za genetiku i bioinženjering gdje, u slučaju objavljenog naučnog rada/publikacije sa pet ili više autora, prvi i posljednji autor po redoslijedu imaju udio od 100% u odnosu na predviđene bodove iz tabela bodovanja u poglavlju VI ovog Pravilnika, a ostali ko-autori imaju udio u zavisnosti od ukupnog broja autora prema prethodno navedenim pravilima u stavu (1) ovog člana.

VI. TABELE BODOVANJA ZA IZBOR U AKADEMSKA ZVANJA

Član 16.

- (1) Za izbor u akademska zvanja na Fakultetu za edukaciju i humanističke nauke primjenjuje se sljedeća tabela bodovanja:

FAKULTET ZA EDUKACIJU I HUMANISTIČKE NAUKE	
Prva kategorija (naučni časopisi)	
Naučna baza	Broj bodova
Social Sciences Citation Index (SSCI) Science Citation Index (SCI) Science Citation Index Expanded (SCI Expanded) Arts and Humanities Citation Index (AHCI)	40
Druga kategorija (naučni časopisi i zbornici sa naučnih konferencija)	
Emerging Sources Citation Index (ESCI) SCOPUS	20
ERIC ProQuest Ebsco Host Ebsco Publishing Index Copernicus MLA International Bibliography European Reference Index for the Humanities (ERIH) ULAKBIM and ASOS INDEX* Linguistics and Language Behavior Abstracts (LLBA) by ProQuest The Australian Education Index (ACER)	15
*odnosi se samo na Odsjek za orijentalnu filologiju	
Poglavlja u knjigama	
Poglavlje u knjizi koje ima pozitivnu recenziju od strane recenzenta koji je recenziju izvršio pojedinačno po poglavlju	15
Poglavlje u knjizi koje ima pozitivnu recenziju od strane recenzenta koji je recenziju izvršio kao knjigu	10
Poglavlje u knjizi koje nije rezensirano	5
Napomena:	
1. prilikom izbora u zvanje / napredovanja u zvanje docenta, poglavlja u knjigama se mogu uzeti u obzir samo ukoliko su prethodno ispunjeni kriteriji za izbor u naučnonastavno zvanje koji su propisani ovim Pravilnikom,	
2. prilikom izbora u zvanje / napredovanja u zvanje vanrednog profesora ne može se bodovati više	

od jednog poglavlja, 3. prilikom izbora u zvanje / napredovanja u zvanje redovnog profesora ne može se bodovati više od dva poglavlja.	
Treća kategorija (naučni časopisi i zbornici sa naučnih konferencija)	
Naučni rad prezentovan i objavljen na lokalnoj ili međunarodnoj indeksiranoj konferenciji	10
Naučni rad prezentovan i objavljen na lokalnoj ili međunarodnoj neindeksiranoj konferenciji	2
Naučni rad prezentovan i objavljen u časopisu ili zborniku sa naučne konferencije koji su indeksirani pri naučnoj bazi koja nije spomenuta u prethodnim kategorijama iz ove tabele	4
Napomena: prilikom izbora u zvanje / napredovanja u više zvanje ne može se bodovati više od tri naučna rada iz treće kategorije	

Tabela 1.

(2) Za izbor u akademska zvanja na Fakultetu za ekonomiju i društvene nauke primjenjuje se sljedeća tabela bodovanja:

FAKULTET ZA EKONOMIJU I DRUŠTVENE NAUKE	
Prva kategorija (naučni časopisi)	
Naučna baza	Broj bodova
Social Sciences Citation Index (SSCI) Science Citation Index (SCI) Science Citation Index Expanded (SCI Expanded) Arts and Humanities Citation Index (AHCI)	40
Druga kategorija (naučni časopisi i zbornici sa naučnih konferencija)	
Emerging Sources Citation Index (ESCI) SCOPUS	20
EconLit ProQuest Ebsco Host Index Copernicus	15
Poglavlja u knjigama	
Poglavlje u knjizi koje ima pozitivnu recenziju od strane recenzenta koji je recenziju izvršio pojedinačno po poglavlju	15
Poglavlje u knjizi koje ima pozitivnu recenziju od strane recenzenta koji je recenziju izvršio kao knjigu	10
Poglavlje u knjizi koje nije rezensirano	5
Napomena: 1. prilikom izbora u zvanje / napredovanja u zvanje docenta, poglavlja u knjigama se mogu uzeti u obzir samo ukoliko su prethodno ispunjeni kriteriji za izbor u naučnonastavno zvanje koji su propisani ovim Pravilnikom, 2. prilikom izbora u zvanje / napredovanja u zvanje vanrednog profesora ne može se bodovati više od jednog poglavlja, 3. prilikom izbora u zvanje / napredovanja u zvanje redovnog profesora ne može se bodovati više od dva poglavlja.	
Treća kategorija (naučni časopisi i zbornici sa naučnih konferencija)	
Naučni rad prezentovan i objavljen na lokalnoj ili međunarodnoj indeksiranoj konferenciji	10
Naučni rad prezentovan i objavljen na lokalnoj ili međunarodnoj neindeksiranoj konferenciji	2
Naučni rad prezentovan i objavljen u časopisu ili zborniku sa naučne konferencije koji su indeksirani pri naučnoj bazi koja nije	4

spomenuta u prethodnim kategorijama iz ove tabele	
Napomena: prilikom izbora u zvanje / napredovanja u više zvanje ne može se bodovati više od tri naučna rada iz treće kategorije	

Tabela 2.

(3) Za izbor u akademska zvanja na Fakultetu za inženjering i prirodne nauke primjenjuje se sljedeća tabela bodovanja:

FAKULTET ZA INŽINJERING I PRIRODNE NAUKE	
Prva kategorija (naučni časopisi)	
Naučna baza	Broj bodova
Social Sciences Citation Index (SSCI) Science Citation Index (SCI) Science Citation Index Expanded (SCI Expanded) Current Content (CC) Arts and Humanities Citation Index (AHCI) Avery	40
Druga kategorija (naučni časopisi i zbornici sa naučnih konferencija)	
Emerging Sources Citation Index (ESCI) SCOPUS	20
SCOPUS Design and Applied Arts Index (ProQuest) Inspec (by Elsevier) MathSciNet/Mathematical Reviews PubMed MEDLINE ScienceDirect Web of Science Association for Computing Machinery (ACM)	15
Poglavlja u knjigama	
Poglavlje u knjizi koje ima pozitivnu recenziju od strane recenzenta koji je recenziju izvršio pojedinačno po poglavlju	15
Poglavlje u knjizi koje ima pozitivnu recenziju od strane recenzenta koji je recenziju izvršio kao knjigu	10
Poglavlje u knjizi koje nije rezensirano	5
Napomena: 1. prilikom izbora u zvanje / napredovanja u zvanje docenta, poglavlja u knjigama se mogu uzeti u obzir samo ukoliko su prethodno ispunjeni kriteriji za izbor u naučnonastavno zvanje koji su propisani ovim Pravilnikom, 2. prilikom izbora u zvanje / napredovanja u zvanje vanrednog profesora ne može se bodovati više od jednog poglavlja, 3. prilikom izbora u zvanje / napredovanja u zvanje redovnog profesora ne može se bodovati više od dva poglavlja.	
Treća kategorija (naučni časopisi i zbornici sa naučnih konferencija)	
Naučni rad prezentovan i objavljen na lokalnoj ili međunarodnoj indeksiranoj konferenciji	10
Naučni rad objavljen u naučnom časopisu JONSAE (Journal of Natural Sciences and Engineering)	10
Naučni rad prezentovan i objavljen na lokalnoj ili međunarodnoj neindeksiranoj konferenciji	2
Naučni rad prezentovan i objavljen u časopisu ili zborniku sa naučne konferencije koji su indeksirani pri naučnoj bazi koja nije spomenuta u prethodnim kategorijama iz ove tabele	4

Napomene:

- a) prilikom izbora u zvanje / napredovanja u više zvanje ne može se bodovati više od tri naučna rada iz treće kategorije
- b) prilikom izbora u zvanje / napredovanja u više zvanje ne može se bodovati više od jednog naučnog rada objavljenog u naučnom časopisu JONSAE (Journal of Natural Sciences and Engineering)
- c) za Odsjek za arhitekturu, pored navedenih naučnih baza u okviru prve kategorije, naučni rad se može objaviti i pri drugim indeksiranim naučnim bazama koje po ocjeni komisije Odsjeka i Ureda za publikacije ulaze u prvu kategoriju

Tabela 3.

- (4) Ako se na prijavljeni konkurs za izbor u akademsko zvanje docenta, vanrednog ili redovnog profesora prijavio samo jedan kandidat, a na odgovarajućoj naučnoj oblasti se preraspodjelom sati postojećeg akademskog osoblja ne može u potpunosti pokriti nastavni proces, Senat Univerziteta na prijedlog vijeća može donijeti odluku o izboru u zvanje i za kandidata koji ne ispunjava uslove u pogledu bodova iz prethodnih tabela, pod uslovom da ispunjava Zakonom propisane uslove za izbor u dato zvanje.

VII. DEFINICIJA POJMOVA**Član 17.**

- (1) Pod objavljenom knjigom u smislu ovog Pravilnika podrazumijeva se tematski cjelovit i kompaktan recenziran naučni, stručni ili umjetnički sadržaj u štampanoj ili elektronskoj formi koji:
 - a) tematizira određenu oblast,
 - b) nikada prije nije bio publiciran,
 - c) je katalogiziran,
 - d) je putem biblioteke organizacione jedinice i Univerziteta dostupan studentima i akademskoj zajednici.
- (2) Objavljeni naučni rad je istraživački, napisan i publikovan izvještaj o originalnim rezultatima istraživanja.⁵
- (3) Časopisi i publikacije s međunarodno priznatom recenzijom jesu časopisi i publikacije koji su uvedeni u međunarodne indeksne publikacije.
- (4) Domaće publikacije (knjige, monografije i zbornici) su izjednačene s međunarodno priznatim publikacijama ako ispunjavaju uslove predviđene posebnim pravilnikom o mjerilima vrijedovanja časopisa i publikacija.
- (5) Patent je izum u struci koji do sada nije otkriven ili postignut i koji ima kao rezultat nova rješenja u praksi koja se temelje na nekoj naučnoj ili umjetničkoj oblasti.
- (6) Projekat je jedinstveni naučnoistraživački poduhvat, tj. skup jasno i detaljno definisanih aktivnosti pomoću kojih se, uz korišćenje znanja, ljudskog faktora, finansijskih sredstava, naučnih metodologija, tehnologije i drugih raspoloživih resursa, definisani zadatak realizuje u određenom vremenskom periodu.
- (7) Originalni metod je naučna metoda-skup spoznajno-epistemoloških načela logičkih i proceduralnih pravila koje nauka kao djelatnost primjenjuje u naučno-istraživačkoj praksi.

⁵ U pogledu naučnog rada podrazumijevaju se radovi/publikacije objavljeni u naučnim časopisima, poglavlja u knjigama, zbornici sa naučnih konferencija.

- (8) Pod pojmom uspješno mentorstvo podrazumijeva se mentorstvo/komentorstvo kandidatu za stepen drugog i trećeg ciklusa studija, računajući od dana prihvatanja izvještaja o ocjeni završnog rada.
- (9) Univerzitetski udžbenik je nastavno sredstvo, koje se objavljuje u obliku knjige, a može imati i drugu vrstu i oblik, u skladu sa odlukama Senata, a služi studentima kao jedan od izvora znanja za ostvarivanje odgojno-obrazovnih ciljeva utvrđenih nastavnim planom i programom.
- (10) U postupku izbora u akademsko zvanje naučni rad može se smatrati objavljenim i u slučaju kada je od izdavača časopisa izdata zvanična potvrda/obavijest da je rad prihvaćen za objavu sa naznakom datuma objave naučnog rada, a kao datum izdavanja rada smatra se datum izdavanja takve potvrde odnosno obavijesti. Potvrdu/obavijest da je rad prihvaćen za objavu sa naznakom datuma objave naučnog rada kandidat obavezno prilaže i dostavlja u svojoj aplikaciji na konkurs.
- (11) Katalogizirana knjiga je knjiga čiji je postupak katalogizacije u publikaciji izvršen prema odgovarajućim, važećim standardima.
- (12) Pod pojmom pokazana nastavnička sposobnost, podrazumijeva se iskustvo u nastavnom radu na visokoškolskoj ustanovi.
- (13) Javno predstavljeni oblici umjetničkog stvaralaštva podrazumijevaju i umjetnička djela koja su predstavljena široj javnosti (javna izvedba, izložba i dr. oblici javnog umjetničkog djelovanja sa autorskim/koautorskim ili izvođačkim učešćem) i koja su vrednovana (stručne kritike, nagrade i sl.).
- (14) Priznanje u odgovarajućoj oblasti umjetnosti podrazumijeva domaće i međunarodne nagrade ostvarene na relevantnim smotrama i festivalima isključivo za kvalitet umjetničkog djela ili ukupno djelovanje u određenoj oblasti umjetnosti, kao i pozive za učešće na međunarodnim i domaćim festivalima i smotrama umjetničkog stvaralaštva, te pozive za gostovanja na drugim akademijama, značajnim projektima i radionicama.
- (15) Doprinos razvoju kulture i umjetnosti kao i uspješni angažmani u stručnim organizacijama koje su značajne za razvoj kulture odnosno određene oblasti umjetnosti, te vođenje umjetničkih projekata i radionica.
- (16) Doprinos u podizanju nastavnog i umjetničkog kadra ocjenjuje se na temelju uspjeha u napredovanju nastavno-umjetničkog akademskog osoblja i umjetnika putem mentorstva u nastavnom radu i umjetničkim projektima.
- (17) Pokazani rezultati u nastavnom radu ocjenjuju se na osnovu rezultata evaluacije u skladu sa odredbama Statuta i općeg akta koji donosi Senat, održanih predavanja na drugim visokoškolskim ustanovama, ocjene angažiranosti nastavnika u razvoju i inoviranju nastavnog programa, zainteresiranosti studenata za izbor predmeta i sl.

VIII. ZAVRŠNE ODREDBE

Član 18.

Pravilnik stupa na snagu danom donošenja i primjenjuje se na sve procedure izbora u akademsko zvanje koje su pokrenute nakon stupanja na snagu istog.

Broj: 01-24-1/20
Sarajevo, 29.01.2020. godine

Predsjedavajući Senata
Prof. dr. Mersid Poturak